

江蘇府縣志輯

中國地方志集成

溧陽縣志

溧陽縣續志

中國地方志集成

江蘇府縣志輯 ③②

嘉慶溧陽縣志

光緒溧陽縣續志

江蘇古籍出版社 ● 上海書店 ● 巴蜀書社

中國地方志集成

江蘇府縣志輯③

出版 江蘇古籍出版社

(南京中央路一六五號)

印刷 上海市印刷七廠

發行 新華書店

上海發行所

定價 一五七元

責任編輯 王華寶

封面設計 范一辛

1991年6月第1版 1991年6月第1次印刷

ISBN 7-80519-246-4 / K·126

新修溧陽縣志敘

溧陽縣志

天下有公家之書而成於官不若成於私者史也史自兩漢三國以迄六朝父子授受師友續續即有駁雜必自成家自改爲官書而蕪穢疏畧百弊叢生或迺顛倒是非乖反先後夫經學莫盛於漢義疏出而先儒之師說微矣然好學之士猶能博採而並存之至於史則有所不敢議野紀叢書更難於辨正也志者史之派別而細大懸殊宜可盡心然余見近時所修邑志其中卓然可傳者惟錢辛楣少詹所輯鄞志邵二雲學士所輯餘姚志兩先生皆以絕識博學考證古今咸有據依二雲又其邑人故能精審若是近則有唐陶山刺史

溧陽縣志

敘

海州志體例不戾於古他之爲志者類以邑宰主之其宰而賢有文者雖少異庸衆然或付託不得其人或以案牘之勞無暇悉心於此或漫不嘗省督責迫促之而其書之可觀者渺矣溧陽之有志自宋始凡數修而迄於乾隆之八年距今蓋七十年矣前志既未盡滿衆望而更歷歲久闕焉不紀有人物翳然之慨於是邑之士大夫請於前宰李君葛峰定重修之舉推史孝廉恒齋主其事余踵葛峰後承乏於此越兩年而觀厥成竊謂此舉迺士大夫之志又前宰李君爲之倡余何敢掠美以爲己功然卒有所不得辭而敘之者蓋此書有繫於邑人者一有助於余者二何則志以傳信必信而後可

傳恒齋老於文學熟習掌故於錢邵二先生書風所宗

尙其考證必不苟余復爲定其去取斷無如前所云云

者然則此志可信可傳當與海州志並稱旁邑之士大

夫必有見而興起者以此志爲準邑之人不與有榮乎

此繫於邑人者一也余初蒞官日邦之風土民俗鄙所

未諳因輯是書隨時探討以爲采風問俗之先路其助

一也自乾隆八年以後宰是邑者不可以數計中間數

十年數十人其姓名里居皆茫然無考故老舊人亦無

能言者今此志成於余爲宰之日志一日傳則宰之姓

氏一日不忘姓氏一日不忘則其人之賢不肖亦與之

不忘私自惟念其敢不策慮愒臆以無爲此邦人士之

羞乎是其爲助也大矣用是不辭固陋而述爲志之難

以塞士大夫之意挂名簡端庸有以自譽也嘉慶十有

八年六月八日知溧陽縣事錢塘陳鴻壽敘

溧陽縣志

敘

二

溧陽縣舊志敘略

敘者所以敷陳書旨志經改纂體例必更而猶歷載原
敘則敘之與書兩不相應焉用此贅設者乎但吳志所
載前人敘跋共有八篇今亦難以刊落因并吳自敘共
九篇錄之而姑見義例於此既是附存梗槩不妨節取
精醇如覽者欲考得失於原文舊志固具在也其歷修
名氏亦隨時附列以備參稽

明萬曆帥志敘

溧陽有志自宋乾道始志者紀也紀郡邑之史也周官
小史掌邦國之志外史掌四方之志以察民俗以稽吏
治郡邑視古侯國而無史官經世之士膺厥任者以時

溧陽縣志

舊敘

考事次其闕失式備一方之史亦猶行古之道也故志
者典章存焉教化寓焉治忽在焉匪徒具文侈觀耳矣
我國家定鼎金陵設官分職應天領縣八溧陽土地視
諸邑較廣其政賦殷繁視附郭二邑為尤劇楚澤帥侯
來尹茲土公暇繙閱舊志或濶略而未審其詳或浮靡
而未核其實懼無以新羣黎之耳目而一其心志也爰
請監司延致師儒證諸典籍詢諸父老凡幾閱月而志
成總其綱十有三列其目五十有二本之所以廣學推
之所以立政申之足以贊業垂之足以示遠者也侯以
進士莅政二載廉正而仁恕明作而惇大行將陟臺省
歷樞要以察百官均萬民區區一邑之志真堯爾於牛

刀云者然君子為政不以備物飾治為貴而以直道信

民為難夫苟不枉吾道不患乎民之弗信不疑吾民不

患乎政之弗成故疆域以昭其勝人物以昭其靈宦績

以昭其政典籍以昭其文茲志之大者耳目之所逮也

其他財賦之出納經費之盈縮豪縷必析錙銖必較豈

惟民莫之知而豪強貪暴胥此兆孽自非直道以求信

於民者必不肯底慎於紀載之明盡然非紀載之明且

盡亦奚以自信於上下之法守是故杜多取之門嚴兼

并之坊尚有利於我民豈小補云者茲志也非直可以

例諸他邑推而達之郡國天下裕如也傳有之經界既

正分田制祿可坐而定後之尹茲土者尚鑒之哉

溧陽縣志

舊敘

言帥志職役詳慎利民而山萬曆甲戌仲冬之吉賜進
居野志專駁之當俟詳考
士及第亞中大夫雲南參政致仕前南太常少卿翰林
侍講經筵國史官同修會典浚儀邢一鳳書

案其時纂輯者邑人陳邦治宋臣熙滕養志彭履常

又有山居野志邑人狄斯彬撰

國朝康熙丁未徐志敘

江陵徐公履常治溧甫下車即有志於治天下之大端
先取境內之圖籍觀焉因以問於不敏穎知子故嘗有
志於一邑之事也予廼舉所藏前侯符帥二公志并鄉
先生狄公野志共三帙及予所自輯閩史合而是正於
公公則於制治之暇採擷成編焉凡邑之事載於編中

者州野之分畫山川之表會官府之建置學校之興修
祠祀之秩文而橋梁溝塗亭臺館圃郵舍戍障廩庾之
細寺觀之幽靡不具焉以至風氣之有淳漓吏治之有
隆汙民生之有休戚地方之有舒急財計之有誦盈人
材之有盛衰防禁之有完窳則皆公之所經營無倦也
蓋其所以綜理於邑中者極誠且敬故即其編纂所至
而皆足以徵其周慎也吾觀古之求治之殷者常隨事
而設教因教以守常而達變而所為集眾美以永其傳
則莫備於邑志舉一志而不徒為一邑之志求之於天
下之大焉讀其發端而鏡作者之無不該也舉一志而
不徒為一邑一時之志求之於今古之遠焉讀其前後

溧陽縣志

舊敘

三

之所援引而并鏡於其設縣之本末也舉一志而不徒
為一邑一時一人之志求之於某事而非必某事之為
某人設也求之於某人而又非必某人以某事傳也求
之於人與事相符相益之故而某人之所為某事之所
繫又非必其通於作者初終之大共也斯廼以知
極盛之世治術專於

一人學術明於人人即以是為貫人天右神明合道藝動民物
之用也又奚歉焉子廼因是而深有慨於邑志之成之
難也宏治之志邈矣萬歷之志成於江陵帥公而鄉先
生狄公以田賦實徵爭之爰有野志要各無競心讀者
自有酌量焉天啟之志成於慈谿董公而虞孝廉實職

其事已脫稟矣稟留鄉先生某所不傳順治中閩縣林
公見予問史將付梓人尋以他事去不果蓋帥公志閩
今九十五年始得徐公繼之又皆江陵人也茲志於溧
陽其因創之問乎於江陵其後先之揆乎故讀之而若
古人之推揚於其上於其左右也抑讀之而若今人之
同堂而處相與揖接醕客於筆墨之間也由一邑及於
天下而使之各有其文章各有其政事焉可不謂之盛
業乎哉今公晉秩中翰代者且至而猶惓惓於此必期
剴劘竣事以誌諭於邑中子故審謨猷之所肇尊問學
之所正而推是編於符帥之上予問史又奚足云敬以
是復公之請康熙六年歲次丁未邑人吳穎撰

溧陽縣志

舊敘

四

案其時雖未有邑人助纂而書中事實悉本吳穎問
史特卷目頗異耳
康熙癸丑王志敘

溧陽為金陵屬邑幅員廣輪大約百里其地山水相半
其民火耕水耨飯稻羹魚諸種擾外無異產田墜屢肆
外無裘業而鉅公名俊代不乏人今猶昔也故稱名邑
邑有志始自宋乾道迨明符帥諸公代修之而皆不如
今之吳太守問史為尤詳且核康熙丁未前令令中翰
江陵徐公纂修大旨指衷於三家亦已大備辛亥錫珩
來為令癸丑奉檄重修距徐公之修才六年輿地建置
山川財賦軼事之屬類無增損惟夫官師代遞頻歲繼

起科名新榜視昔彌增而山川鍾毓人物英多或甫沒世而名稱亦有歷年而論定是皆不可以不志也故今爲志官師補若干人而添設若防師等視此矣爲志科名補若干人而諸貢薦辟若援例等視此矣爲志人物如孝義如循良如文學如貞潔補若干人而方伎流寓不必補且無可補矣夫深自東漢壯侯以功臣列爵於此故其人至今多立功名善表建或少壯登朝宏通適用或方州郡邑所至著聲自伯喈元暉太白東野來遊遺有讀書洗墨登樓射鴨諸勝故其人至今雅善屬文喜歡詠大而鴻筆爲國之風雨小而短章亦世之琳琅又有奇女振窮名垂越絕不屑酬劍自甘沉江故至今

溧陽縣志

舊敘

五

女子多貞嚴虧禮越義之誠長厚成俗表捐粟之槩此皆風化之所自也若乃趙著三忠傑殉妻子精貫星日垂法方來後之君子爲良臣爲名臣爲能臣則皆忠之屬也不專傳忠而忠傳其餘孝友諸傳則必各因其事類而傳之者也序記歲月並爲及此抑此百里之幅員亦可以稱名邑矣康熙癸丑仲冬之朔知溧陽縣永嘉王錫瑄撰

康熙甲子成志四敘一跋

說者謂作於前者難爲功述於後者易爲力而予獨不謂然夫人創未有之書成不朽之業縱力肆志以圖之前無所師後無所忌豈不綽有餘裕若守前人楷模爲

之步趨焉縱抱伯喈曠代之才不過青於藍而寒於水豈能獨出機杼成一家言也哉溧志自宋元而上遐哉不可考已有明修自符帥

本朝纂於徐王踵事增華積薪致慨久矣今天下海宴河清放牛歸馬

朝廷議修大一統之書先

命各省郡屬續補志乘懋勳承乏茲邑甫及下車望伍大夫立馬之峯弔史義女投金之瀨山川鍾秀甲第魏哉文章氣節爲金陵屬邑之冠矧中郎書樹石戶猶存太白酒樓風景不異雖復碑斷齋薇石孤忠義未嘗不低何感慨慕尚高風獨惜牽於簿書難與筆墨從事耳遂謀諸

溧陽縣志

舊敘

六

捐紳敦請鍾陳兩君司董狐之任此兩君者英年高第閉戶著書其才其學與其志非不欲考訂經史搜羅野乘刪繁蕪而補闕略再成一書以昭太平盛事也迺限於時日述而不作凡山川官師科名人物諸條例悉因舊文增益之而水利兵制物產賦役諸篇則皆言之鑿鑿經緯秩然可想見其胸中所有其才其學真可與讀史并可與作史者矣僅產羽邑志已乎刻成遂書數言爲之敘康熙二十三年歲在甲子知溧陽縣長垣成懋

勳撰

案其時纂輯諸人見下敘跋

將使官斯邑者有所稽以成治生斯邑者有所感以成

俗則必取乎志是故邑志之舉良有司務盡心焉而不能不於邑之人是問蓋非邑之人弗習弗習則爲舛誤爲挂漏往往多有淆紊帛於製錦升鼎祖以寸樹吾未見其善也然則志之藉手邑人可知矣今

天子以中外一統

詔郡邑交修志事而吾邑成侯甫奉檄卽廣詢博採進子與陳子而屬筆焉爰是入館濡豪謀所以修志之要夫深之志舊矣若符若帥若徐與王亦既釐然以備而或者以後之繁不及前之簡余曰否否邑志貴詳詳貴嚴嚴貴文不詳則漏不嚴則浮不文則傳之不遠今一邑之志雖累千百紙進而爲通志存者什之一矣進而爲一統

溧陽縣志

書敘

七

志存者又百之一矣而於邑先有所缺遺何以待採擇且志與史不同史昭勸戒志備參考昭勸戒則筆削宜嚴備參考則凡一建置一興革一嘉言懿行務亟收錄焉唯其紀往徵來信今傳後已耳迺雖黃其口摘瑕而棄瑜不亦繆與陳子以爲然於是披覽舊志舛者訂之逸者補之新者增之閱月而彙成雖未敢謂言之文行之遠然既詳既嚴庶乎一邑之大觀具矣由此而推之郡國由此而推之天下斟酌損益卓然昭一統之書用以輝煌

文治黼黻大平詎不盛哉此子與陳子之志所以報命成侯者也雖然凡子兩人之爲此日夕匪懈以折衷於鄉士

大夫固已合一邑之人修一邑之志不過藉僉謀以免失墜焉耳若謂余兩人憑胸臆以擅其成也又烏乎敢康熙二十三年歲次甲子邑人鍾于序撰

深之見於夏曰中江見於周曰瀨水兩漢而下史不一書矣迺三千餘年志乘闕略非果闕略也宋以前之事今具見於景定建康郡志至明宏治萬厯間符帥二公乃始後先纂輯邑志焉

本朝康熙間徐王兩先生增華繼起歲在癸亥朝廷將修一統之書

命下直省重修通志時泰適應邑侯之請濫膺纂輯撫躬自問不勝赧且懼者蓋欲搜二十一史補山川人物之勝於

溧陽縣志

書敘

八

邑志有裨矣慮翻案於先達欲踵前人步趨聽浮沈於時好於人情無忤矣終噴飯於後人兩者交戰於胸而筆不敢輕下者再忽自信曰吾亦無愧吾心而已見一忠孝亟稱述焉不敢效吾家志三國者索米作佳傳也見一節義亟採擇焉不敢學續劉向書者濫收三易採之文姬入列女也案原本誤以爲子政濫收西漢人安得錄及東漢之末續列女傳有之耳故改所見者自信其詳且慎不敢有異辭矣而所聞非所傳聞者限於前志之闕必時勢之拘牽不敢是正又深愧於無異辭名山大川間氣時鍾所望後乎此者網羅舊史旁搜野乘述兼以作爲瀨水胥山力開數千年生面秉筆者無掣肘之歎旁觀者無罔陋之譏庶吾心

不能伸於今日之遇而或見諒於後人之心安在秦王

轍迹齊帝登庸諸大事按上句據越絕書始皇東遊秦東安今高春丹陽溧陽云云下

句據南齊書蕭繹嘗為永世令後即位彪炳前史木作是為明帝二事舊志不載故此敘及之

彪炳前史木作不炳彪正史不知南齊書固正而志書終或闕略也哉史也越絕書乃雜史耳故改之

倘第云官師之升降科名之登載土田錢穀之徵收一

胥吏事耳於邑志雖不無少益然吾輩秉筆之心終自

視闕然矣康熙歲在甲子邑人陳時泰撰案此教深以時勢拘牽不

敢補正闕誤自歎而有望於後來識見超絕當時莫能從其說而盡其才為可惜也

以一邑槩天下難免蠡測管窺之見烏乎知其大然天

下者一邑之積也士不出戶庭而知天下事

上不遺輶軒之使而可以彙成車書大一統之志胥於邑志是

溧陽縣志

書敘

九

賴去秋

朝廷有事乎纂修會典

詔直省各修通志而必以一邑之記載發其端董率之檄頻下

邑侯成公匪勉從事必欲延致博洽之儒諳古蹟而通

世事者秉筆為之庶免紕繆遺漏之譏以訪於余余以

鍾君東澤陳君尚于對二君既膺是任殫心編輯以徐

王舊志為筌鉢而斟酌損益之廣以學士之見聞參以

稗野之記述暨孝子慈孫之家乘凡一言一事之纖無

不節取而嘉子焉寧博徵而毋遺美寧傳疑而毋臆斷

凜凜乎詞之繁而不失之穢且雜余為之反覆細釋知

二君之為是書非徒侈綜覽之富也蓋藏往卽以知來

為後人立之鑒焉故徵星野則牛女之躔次卽法春秋

之不言事應而事應具存為修省之資也辨山川則南

嶺北洮之界卽法王制之滌洩封表蒐叢慙而慎隄防

為未雨之計也釐賦役則念條鞭畫一之冊奉公便民

慮遵行者浸失其初而橫征私派之剝下也核吏治則

法太史公之美惡並著循良何以墜書見褒貪酷何以

墨刑示誠書名書氏皆可為吏事之師矣至若文章忠

孝高士列女諸傳疇若淑而不彰

國朝首重制義兼採詞賦而科貢諸途與山林隱逸之士

無不徵求疇若微而弗錄斯貴賢賢之義交盡者矣

是在後之讀者循名以核實因詞而逆志則邑志之所

溧陽縣志

書敘

十

係豈淺鮮哉余從二君之後開劾咨詢校讐之勞而謫

陋未敢涉筆幸得與名簡端故綴數語以質之高明其

猶存蠡測管窺之見也夫

賜進士第邑人吳琇撰

聖天子聲教誕敷車書畢集

特詔直省廣求名儒重修通志以成一統之書吾邑成侯咨訪

英賢得鍾子東澤陳子尚于以任董狐之筆如瑾雖謗

陋未敢妄參蠡測而欣逢盛典共襄厥成不禁肅然起曰

邑之有志猶國之有史也史昉春秋春秋之書因魯史

而筆削之傳其舊也春秋之義善善長而惡惡短惟其

公也溧邑之志符帥創於前徐王纂於後踵事增華彬

彬盛矣至於嘉言懿行上備

朝廷採擇下垂一邑典型纂輯之下徇衆固嫌於濫執己
又病其私今鍾陳兩君高才碩學著作等身皆可前無
古人後無來者區區一邑之志豈不能旁參二十一史
博覽山川人物獨出其胸中所學一筆一削卓立成書
爲補敝太平之盛事而乃青出於藍襲資於腋取前志
所未有而增補之隨聞見所已及而收錄之是遵何道
哉傳其舊也亦惟其公也此余於兩君不獨深服其才
而深諒其心也與若夫天文之災祥水利之通塞建置
之興廢賦役之增減官師科名之記載忠孝節義之表
揚志固燦然言之余可勿贅

溧陽縣志

舊敘

十一

賜進士第原任福建福州府推官陞金華知府邑人黃如瑾跋

乾隆癸亥吳志敘

天地其運處乎萬物其萌庶乎聖賢豪傑其日出而不
窮乎孰紀極之而使流傳於千萬年哉夫自乾坤開闢
龍圖鳥蹟紀載鴻濛惜墳典印索半多湮沒及章亥縱
橫以後輿圖地理庚庚堂禹貢一書詳載土田山川
平成之數其後復有山海職方王會諸書以佐之而歷
代史家並立地志皇皇乎蒙泉日下皆入簡編矣我

朝

列聖相承

德教所被無遠弗屆

特命內外臣工繕修一統志諸書以垂示萬世巍乎煥乎自神

州赤縣以及梯航輳譯之區山川職貢瞭如指掌軼漢
唐而隆虞夏矣江南古禹貢揚州之境其星野疆域周
官史記約畧可考自班固前漢書而下郡縣加詳幅員
之廣山川人物之秀雖海濱江湖比他省上郡而溧陽
春秋平陵舊地固城湖其址也案二句誤詳見疑辨自伍員北伐
山爲胥山河爲胥河而投金之瀨吳越春秋具載其事
李謫仙所云風號吳天月苦荆水令人生憑弔之思者
顧其文獻之流傳向俱附載江寧郡志而邑乘創於宋
趙廓夫今不可得見矣明嘉靖邑令符公觀始復纂修
繼之者則萬歷間邑令帥公蘭也

溧陽縣志

舊敘

十二

本朝文章制度超軼前修康熙間邑令江陵徐公一經復

纂集成書已有鐫板厥後王公錫珪成公懋勳續爲增
補迄今剛周一甲子矣乾隆三年板燬於火何忍以千
百年之文獻而遽付之一炬往者不可徵來者將誰問
乎學謙初莅茲邑未悉其風土人情諸紳士告子宜修
邑志予以有待辭且懼才力之不勝任也顧惟溧邑山
有石屋伍牙芝峯白石之奇水有五堰洮湖九陽千里
之勝煙巒合沓波瀾壯闊昔稱畿輔控扼江湖距海不
及三百里寧非東南形勝要害之區哉今亦既庶且繁
矣且千百年來人材蔚起忠義著於南宋文物盛於

熙朝寧非觀風者所宜採訪而傳述乎學謙七年於茲公餘

之暇訪諸遺民耆舊之傳聞彙諸里巷裨編之記載即舊本而損益之不敢謂辭文旨遠而著作之林而臚列山川紀極人物使文獻足徵以信今傳後為職方氏之權輿意者其在斯乎乾隆八年歲在癸亥孟冬知縣事高安吳學濂撰

案其時纂輯者邑人翰林院庶吉士陳大瞻前江西瀘溪知縣沈元煉湖北羅田知縣彭朝佐揚州府甘泉縣訓導蔣音孝廉方正史燾進士周懷濟狄鳳舉人黃兆熊宋辰史貽讓任奎書彭暉生員潘望孫狄重陳匡馬述元捐資監刻於者狄如洵潘上達潘成吉王颺姚拔宋學瀛蔣國琦朱其學陳奕仁陳志馨

溧陽縣志

舊攷

十三

溧陽縣志銜名

各憲鑒定

李忠祿協辦學政都察院右副都御史巡撫江寧等處地方總理糧儲提督軍務朱 齡
 兵部侍郎兼都察院右副都御史巡撫江寧等處地方總理糧儲提督軍務朱 理
 兵部侍郎兼都察院右副都御史總督漕運提督海防軍務兼理糧餉阮 元
 吏部右侍郎正黃旗滿洲副都統提督江蘇等處學政文 寧
 江南蘇州等處承宣布政使司布政使世襲雲騎尉慶 保
 江南江蘇等處提刑按察使司按察使兼管驛傳事楊懋恬
 督理江安徽寧池太廬鳳淮揚十府糧儲道繼 昌
 督理江南蘇松常鎮太糧儲道兼巡視漕河李長森

溧陽縣志

銜名

一

江蘇分巡常鎮通海等處地方兼管河務兵備道督理揚州關務劉 澐
 江 蘇 鎮 江 府 知 府 盧元緯
 江蘇鎮江府鹽捕海防理事同知懷 錦
 江蘇鎮江府糧捕通判管理客務周 岱
 總修
 前知溧陽縣事調任常熟縣知縣李景嶧
 知 溧 陽 縣 事陳鴻壽
 協修
 教 諭潘恩印
 訓 導許會昌
 縣 丞劉大章

典	史張廷杰
纂修	
前興化縣教諭	咸安宮教習史炳
國子監學正	改授常州府教授史度
舉	人彭煜
歲貢	生彭敬
生	員史津
監理	
監	生狄曼殊
封奉直大夫	州同加級狄箕
監	生趙亦庸
溧陽縣志	
街名	
二	
監	生馬繩武
採訪經捐	
監	生史重修
監	生韓季英
監	生王如昂 <small>以上永東區</small>
監	生楊彥斌
監	生史聖康
生	員莊洳之 <small>以上西區</small>
生	員周高煥
監	生潘芬
以上福賢區	員宋培

生	員狄修	員張履旋 <small>以上舉福區</small>	生狄升
生	生唐岐	員陶恩光	
歲貢	員趙魁	員宋序鏞	
生	員唐燦	生戴清	
以上明東區		員陳治	
廩	生黃玉成	生宋紀良	
以上明西區		生尤素行	
生	員朱華	生張汝南	
廩	生尤吉	員陳重光	
監	生戴璜	生張棟	
溧陽縣志			
街名			
三			
以上惠得區	員方格 <small>子</small>	同王際可	
生	員錢勳	生錢三山	
生	員王之維	生王拱辰	
以上得得區		榜吳再寅	
監	生吳德先	生朱東魯	
監	生韋旭初 <small>以上從山區</small>	員趙謙	
生	員王旭	員虞學常	
文	學虞名緒 <small>以上佳壽區</small>	生湯岳	
附貢	生湯徵召	生強南珊	
以上奉安區		人宋	

職	員董嶽	監	生孫 銓
職	員余 耀	監	生蔣達禮
文	學蔣繩桂	<small>以上崇來區</small>	生
監	生沈 漣	生	員陳懷周
監	生陳岳泉	監	生潘學詩
<small>以上來蘇區</small>		檢	討陸際昌
監	生葛 弼	監	生呂匡武
附 監	生呂維寅	生	員陸占鼇
附 貢	生楊 浣	生	員陸鵬九
<small>以上永太區</small>		<small>封登任郎仁和縣志薄李</small>	振
監	生虞 謙	監	生張 珍
深陽縣志			
街名			
四			
生	員馬玉駒	生	員馬樹榮
監	生梁 愷	生	員史蔚文
附 監	生顏光鎮	<small>以上永來區</small>	舉
生	員錢運增	生	員彭龍初
<small>以上永利區</small>			

深陽縣志凡例

一是書前奉 制府檄飭所屬纂送以備彙修江南通志並立程限務在詳明竊惟志書首嚴體例必式於成軌方可造車謹案乾隆元年黃中允之雋承修通志總二百卷釐爲十門輿地河渠食貨學校武備職官選舉人物藝文雜類粲然備矣子目數十分而隸之四庫書目嘉其具有條理今輒依循其各條專例與各門總例附見書中者茲不具列覽者省照全編足以互相備云

一志者史之一體獨宜載輿圖政典之類而已然李吉甫元和志序有云古今言地理者凡數十家飾州邦而敘人物因邱墓而徵鬼神則知自唐以前承用一律而偏隅記載較諸元和郡縣元豐九域一統之規旣是小大相懸卽須繁簡有別且邦人之意固不能備文而遺獻若輿圖政典之外更仿京口耆舊浦陽人物別爲一冊相輔而行亦祇簡編離合之不同非著作醇疵之所繫也是故後之述者正不必盡依史例惟瀏覽衆家不無通蔽或好尚古遠傳疑謠俗元和志序語或自述鄉國不參他書杜佑通典注語此紀事之失盡飾勳庸常嗤連敗劉鑑文心騰龍擢後生於首快抑先輩於末章劉知幾史通語此列傳之失又有土地職秩不實書當代名目而易以文言長吏達官不直書本人名氏而稱其位號今略循史例補正

深陽縣志 凡例 一

爲多其漫無足考則姑從舊志云爾

一建置沿革輿地大經考之不審則疆域形勝既昧方隅職官人物亦滋傳會案溧陽之爲縣遠起周秦其後縣有分合有興廢屬郡亦有異同事載正史非能鄉壁虛造而學者第勿深考改事失真遂使平陵設於楚將永平析於漢武指沛屬爲丹陽之縣移武康作瀨上之封誤始宋元非關晚近茲焉刊正悉據史篇

一山水所以標置封域區別夷險鄭樵通志謂州縣之設有時而更山川之形千古不易誠輿地中要領所在也然諸志皆散列名目中無脈絡可尋今敘山分三大支起首訖尾略依山海經例敘水分五大支入此出彼

溧陽縣志

凡例

二

略依水經注例並載方隅距里雖未能足跡周流用儀實測要皆訪之地著耆老熟路長年庶幾得其梗槩覽者若更參之新製全圖則高下真形宛然在目矣

一舊志本無河渠今依通志增立蓋川浸源流或可併入輿地至於高原下隰利病情形舊遺新塘廢興顛末若置之輿地是爲名義相乖史記無地理而有河渠前漢溝洫別於地志良有由耳且三江五湖溧陽各得其一遠關數郡之利近寄百里之命爲立帶門固非虛張部帙鑿空無稽也

一食貨以田賦爲本乾隆八年吳志所載現行科則信爲賅備前明亦尚條舉大端而宋元兩朝闕略殊甚今

悉據景定建康至正金陵二志補載兩朝舊額前明及國朝則參據符帥徐吳諸志并嘉慶四年賦役全書詳慎開列其餘一切倉儲戶版之數利用厚生之事凡史書案牘有足徵者不限今古詳著於篇

一溧陽學校在古可考者漢之潘乾唐之柳均皆以宰官作之師非以博士專其席也宋大觀元年顯惠廟碑知縣縣丞簿尉猶並管句學事然則自宋以前師生員額並誦條章茫然莫考矣故今之所紀亦第詳自元明迄於

盛世但舊志殿闕祠堂亭閣之屬分類敘之則使以同時而修建諸所勢將分見復出不若徑依時代歷敘廢興斯

溧陽縣志

凡例

三

文隆替之原亦卽於茲可見云

一溧陽所治僻左非用武之地然自

國朝先有副將參將守備之設後改都司所轄溧陽溧水句容高淳四縣營汛兵馬之數戰守之規宜立武備一門用彰詰禁案舊志營汛之後附以鋪兵旗丁今改歸輿地食貨而此志則專詳兵制其前明馬政歷代兵事附載焉

一舊志職官分類通敘如敘縣令則自東漢潘乾迄乎現任縣丞簿尉並依此科但敘至元代則苦非一例蓋其時路府州縣改置紛紛非令丞簿尉所能統括遂乃尹儋州將丞列州同州判與主簿同官吏目與縣尉合

職名實消矣而尚者於達魯花赤總管同知判官錄事錄判招討之屬無類可歸乃又別立一門曰添設諸官附於歷代官師之後自來志簿無此體裁今則斷代敘官不以一官通敘如此既免於元制之窒礙亦使累朝沿革具見本簡而繁簡之數亦即得失之林也又題名列傳乃知人論世吏治民風之所繫今旁考載籍自東漢光緒四年至

國朝乾隆八年文職之屬增多吳志二百六十餘人其八年以後所續不在此數而白光和潘乾至乾隆間郭占選不限官師大小但政事文學足可儀型悉為列傳命曰名宦其不曰循良者從學宮建祠名目也

溧陽縣志

凡例

四

頭應續字之謬且從名宦為是

一杜佑通典先選舉而後職官蓋以欲審官才必資嚴選士也但顧俊之法文軌攸同非此偏隅所當專載既規欲充卷必取題名豈宜擢此邦人加諸長吏則選舉之後於職官亦體勢然矣深陽在東漢六朝之世分茅執珪半自承蔭殘唐北宋尚鮮登科迄乎建炎以後衣冠過江科第不絕沿元及明盛於

皇朝百七十載進舉貢士已得四百餘人薦辟議敘不在此數今上下千祀蒐討名籍分途記之科仕之盛衰固由於士族之眾寡要亦運會使然也

一書中爵秩封蔭本非列傳而置之人物志者以其不

得敘入選舉又不能悉予列傳若不歸諸人物末由見其姓名故也又案舊志人物義取廣為表章今茲改纂並未刊落一人或見他書并與增加軼事至於新所採錄咸有據依首徵史集碑墓次取宗譜切結其完節奉旌之外祇以採訪譜結為憑吳志凡例亦只據此耳

溧陽縣志

凡例

五

一書訂正謬繆往往附見本條以便省覽其或偶未置論及語焉而不詳者悉歸之雜類志名曰疑辨雖此外不無挂漏中間亦有支離要其本衷在於實事求是異乎好生矯誕喜述前非者也范甯頗糾殺梁劉炫專規杜預道元明水經之失實君卿黜鄉郡之謬書專門述作尚容替否若此者眾矣况於後來記乘取辦一時即非郢書之流斷無墨守之例何言蠹生於木而還食其木耶雜類志又有瑞異則五行符瑞前史固嘗專記有紀聞則世說語林史通所謂瑣言者也必終補遺與建康拾遺金陵摭遺循名則近核實固殊彼所錄者古今軼事即此書紀聞是也此之補遺則頗有書成方始

撰得者亦間有正文難以位置者故悉補之卷終以備參覽

一新志援引之處必標注本書非夸示涉獵也作者欲更緝卷軸比唐堂之自規覽者或共討淵源作蕭山之刊誤胡三省敘通鑑有云前注之失吾知之吾注之失吾不能知也昔賢秉心虛公若此篤雅之士尚其鑒諸

深陽縣志

凡例

六

深陽縣志目錄 新敘二篇舊敘跋共九篇街名四頁凡例十四條圖說十六幅俱不入卷

卷一

輿地志

建置沿革

疆域 附生野

山水

風俗

城池

公署

卷二

輿地志

驛鋪 附亭館

區村

橋梁

坊表

卷三

輿地志

深陽縣志

目錄

古蹟 三城亭臺碑帖雜物

園林

卷四

輿地志

壇廟

祠墓

寺觀

卷五

河渠志

水利總說

塘過

卷六

食貨志

田賦

漕運

稅課 鹽法雜項

戶口

耆民 附農官

蠲卹

積貯 <small>庫倉又附 前代廢倉</small>	養育 <small>二堂一院 附義所</small>	物產
卷七	學校志	
學官 <small>附諸 祠</small>	學額	學田
書院 <small>附考 棚</small>	社學義塾	鄉試錄對附
卷八	武備志	
兵制	汛地	前明馬政
兵事附		
卷九	職官志	
深陽縣志	目錄	二
文職	文題名	武職
武題名	名宦	
卷十	選舉志	
進士	舉人	薦辟
貢生	耆儒科銜	例貢監
各途文職	武進士	武舉人
各途武職		
卷十一	人物志	
古爵秩	封蔭	宦績

卷十二	人物志	
忠節	孝行	義行
卷十三	人物志	
儒林	文苑	隱逸
始遷 <small>附外 徙</small>	流寓	藝術
方外		
卷十四	人物志	
賢淑	才媛	貞孝
深陽縣志	目錄	三
篤孝	貞義	義烈
完節		
卷十五	藝文志	
經部	史部	子部
集部		
卷十六	雜類志	
瑞異	紀聞	疑辨
補遺		